



Broj: 02-04-1000/25-AP-8
Datum: 21.08.2025. godine

Na osnovu člana 13. Poslovnika o radu Privrednog savjeta Općine Zavidovići, broj: 02-05-1818/17 -AP-12 od 30.06.2017. godine i broj: 02-04-29/21-AP-25 od 27.04.2021. god., na 3. sjednici Privrednog savjeta Grada Zavidovići, koja je održana 14.08.2025. godine u Velikoj sali zgrade Grada Zavidovići sa početkom u 15:30 sati, sastavljam

ZAPISNIK

Na sjednici Privrednog savjeta prisutni su: Alen Jusupović, Džeraldina Miličević, Erna Merdić Smailhodžić, Marcel Slišковиć, Sabahudin Horozović, Birnas

Parić, Mirela Bašić, Ernad Ridžal, Enesa Bukvić, Adnan Turić.
Ostali prisutni: Ibro Hadžić, Nermin Džaferović.

Na sjednici Privrednog savjeta nisu prisutni: Benjamin Mujanović, Ajdin Polić, Amir Omerašević, Fehim Tuzlić, Rasim Mrkonjić, Samir Šibonjić, Kasim Fazlić, Kasim Begić.
Zapisnik vodila tehnički sekretar: Aida Husić Mujanović.

Konstatuje se da je na sjednici prisutno 10 članova Privrednog savjeta od ukupno 18 članova.

Konstatuje se da je prisutan potreban broj članova Privrednog savjeta da bi se moglo punovažno raspravljati i odlučivati, kako je propisano članom 7. Poslovnika o radu Privrednog savjeta.

Predsjednica Privrednog savjeta Erna Merdić Smailhodžić predlaže sljedeći dnevni red:

- 1) Status zaključaka donesenih na sjednicama Privrednog savjeta Grada Zavidovići;
- 2) Informacija o stanju stočnog fonda i o zasijanim i površinama raspoloživim za poljoprivrednu proizvodnju (Ibro Hadžić – izvjestilac);
- 3) Plan parcelacije privredno – poslovne zone Vozuća – Elaborat (Nermin Džaferović – izvjestilac);
- 4) Informacija o prijavi na Poziv za sufinansiranje putem grantu, projekat „LER u BiH“ koji implementira Caritas Švicarske;
- 5) Razno.

Dnevni red se stavlja na diskusiju i pozivaju se članovi Privrednog savjeta da predlože izmjene ili dopune predloženog dnevnog reda.

Dnevni red se usvaja jednoglasno bez izmjena i dopuna i prelazi se na rad po istom.

Ad.1. Status zaključaka donesenih na sjednicama Privrednog savjeta Grada Zavidovići;

Džeraldina Miličević: Nema izmjena na dosadašnjim zaključcima. Novi zaključak vezan za stočni fond i zasijane površine, koji je jedna o narednih tačaka.

Zaključak: Informacija se prima k znanju.

Ad.2. Informacija o stanju stočnog fonda i o zasijanim i površinama raspoloživim za poljoprivrednu proizvodnju

Izvjestilac po ovoj tački dnevnog reda Ibro Hadžić navodi da je Informacija pripremljena na osnovu statističkih podataka, zbog nedostatka uposlenih, izazov je voditi registar, tako da podaci nisu usklađeni onoliko koliko bi trebalo. Stanje na terenu je lošije u odnosu na statistiku. Na primjer, stočni fond, pasminski sastav ekstenzivan, nije omasovljeno to jeste nije razvijeno. Smatra da je to zbog odlaska radne snage iz Grada, u inostranstvo. Građani ne koriste sredstva poticaja, s druge strane poticaji se daju za uzgoj ovaca gdje nema proizvodnje.

Intenzivno se proizvodila malina, a sada kornišoni, iz razloga poticaja sa nivoa kantona i federacije. Donirani su plastenici koji su prodati i ne koriste se adekvatno. Imamo značajne površine i oranice, ali kvalitet je jako upitan. Njive su zapuštene, trebalo bi napraviti strategiju ulaganja u zemljišta. U 2008. godini su data sredstva za nabavku goveda, međutim većina sredstava nije namjenski utrošena. Nije bilo značajnijih rezultata, još uvijek postoje poticaji koje daje Grad.

Smatra da ljudi ne žele u „sistem“, da dobijaju poticaj a rade „na crno“, te da po tom pitanju treba nešto napraviti kako bi se situacija popravila. Podaci nisu 100% tačni zbog nedostatka vremena i kadra za vođenje registra.

Alen Jusupović: Zahvaljuje se na informaciji, smatra da se brojke svakako stalno mjenjaju, ali zbog određene slike stanja važno je pratiti ih periodično. Predlaže da je potrebna fokus grupa, da se pomogne u vođenju registra, kako bi se brendirali zavidovički proizvodi. Smatra da se i trenutni projekat sa Caritas-om nadovezuje na to.

Erna Merdić Smailhdožić: Predlaže da se kreira fokus grupa sa Alenom na čelu kao članom Privrednog savjeta i Ibrom kao zaposlenikom gradske uprave.

Džeraldina Miličević: Fokus grupa ili savjetodavno tijelo/odbor. Treba definisati šta je potrebno. Savjetodavno tijelo je stručnije od fokus grupe.

Ibro Hadžić: Podaci se šalju i prema kantonu, tako da je potreban stručni kadar za podršku u praćenju. Ako se ide sa osnivanjem savjetodavnog tijela, trebalo bi okupiti dosta stručnih ljudi koji se razumiju u materiju.

Džeraldina Miličević: Nakon podnošenja izvještaja, šta je rezultat toga?

Ibro Hadžić: Postoje mjerne stanice koje služe za praćenje za praćenje biljnih bolesti, štetočina i slično.

Džeraldina Miličević: Koliko su te stanice dostupne ostalima?

Ibro Hadžić: Malo ljudi zadovolji postavljene kriterije.

Džeraldina Miličević: Smatra da se smanjeni broj prijavljenih na poticaje dogodio jer je fokus na sufinansiranju projekata koji se završavaju finansijskim poticajem. Ljudi nemaju sposobnosti za vođenje obrta, jer ne znaju iskoristiti novac. Sve više se interesuju za projekte

koji pružaju podršku u vođenju biznisa. U ovom izvještaju nedostaje analiza stanja, ovo su samo statistički podaci. Nedostaje nam analiza, na primjer o broju grla po jednom obrtu. Potrebni su kvalitativni podaci, koje možda mogu uraditi neki stručnjaci. Potrebno je iskoristiti i kvalitetno analizirati podatke. Da se „uvežu“ službe, kako bi imali kompletne podatke. Poljoprivredna služba je ključna za to.

Ibro Hadžić: Ljudi nabavljaju grla koja nisu isplativa, umjesto da nabavljaju grla koja će biti bolja za prodaju. Što se tiče analiza, ističe da trenutno nema prostora za detaljniju posvećenost.

Džeraldina Miličević: Potrebno se uvezati i dobiti kvalitetne informacije.

Erna Merdić Smailhodžić: Potrebno je oformiti savjetodavno tijelo i napraviti analizu i smjernice za poticaje za sljedeću godinu.

Zaključak: Formirati savjetodavno tijelo koje će izraditi analizu stanja poljoprivrede na području Grada Zavidovići, te pripremiti smjernice za dodjelu poticaja u poljoprivredi za narednu godinu. Također, isto tijelo će izraditi analizu i dostaviti informacije koje će biti korištene u izradi Strategije integriranog razvoja Grada Zavidovići, u dijelu koji se odnosi na strateški razvoj poljoprivrede.

Zaključak je usvojen jednoglasno.

Ad.3. Plan parcelacije privredno – poslovne zone Vozuća –

U uvodnom izlaganju izvjestilac Nermin Džaferović navodi da je Plan parcelacije poslovne zone Vozuća, sačinjen na osnovu prostornog plana. U vozućkom polju predviđena je zona za razvoj privrede. Bitno je istaći da se tu nalazi prostor veličine 10 hektara. Sastoji se iz dvije katastarske čestice, u posjedu Grada i Federacije BiH. Može se izdvojiti da je to pitoma, ravničarska zona, između puteva M-17 i pomoćnih saobraćajnica, unutar zone. Zona ima sa obje strane vezu sa M-17. Zona je podijeljena na 19 građevinskih i 4 ostale parcele, predviđene za pristupne puteve. Svaka parcela ima neometan pristup, širina puta 12 metara gdje se mogu smjestiti instalacije. Prva čestica je podijeljena na 6 parcela, cca 10 hektara. Zona je u blizini rijeke Krivaje i u blizini trafostanica za električnu energiju. Predviđa se da je iskoristivo 80% poslovne zone, to se nastojalo postići iz razloga nedostatka površine za investiranje u Gradu. Sve parcele imaju isti karakter, mogućnost spajanja, cijepanja i slično, po potrebama investitora. Predviđena je gradnja porizvodnih hala i spratnost 5+1 ili 5+2 u zavisnosti od potreba. Na svim parcelama predviđena je gradnja podruma za potrebe investitora.

Adnan Turić: Ima li zainteresovanih?

Erna Merdić Smailhodžić: Ima.

Nermin Džaferović: Parcele će biti spremne za usvajanje na narednoj sjednici vijeća, nakon toga predviđeno je da se krajem septembra počne sa prodajom.

Alen Jusupović: Prodaja će se vršiti putem aukcije?

Nermin Džaferović: Sve prodaje organa uprave moraju ići putem aukcije.

Zaključak: Privredni savjet usvaja Plan parcelacije privredno – poslovne zone Vozuća. Zaključak je usvojen jednoglasno.

Ad.4. Informacija o prijavi na Poziv za sufinansiranje putem granta, projekat „LER u BiH“ koji implementira Caritas Švicarske

Izvjestilac Džeraldina Miličević navodi da se očekuje odobravanje projekta, te da se radi o udruženjima žena koja su aktivna ali na sivom tržištu, obzirom da nemaju kapacitete proizvodnje za pokretanje biznisa. Ideja je da se sve objedini u jednoj zadrugi. Projekat podrazumijeva nabavku mini kuhinja na lokacijama udruženja, formiranje korpe proizvoda kao što su suveniri. Općina Kakanj je partner na projektu. Predlaže da članovi savjeta daju svoje ideje za naziv korpe proizvoda. Nakon odobravanja projekta, prelazi se na razvijanje zadruga i uspostavljanje Zavidovičke kuće prostora u kojem će biti izloženi proizvodi zadrugara i raspoloživi za prodaju. Predviđeno je brendiranje u skladu sa zakonom.

Alen Jusupović: Projekat je odličan.

Zaključak: Informacija se prima k znanju.

Ad.5. Razno

Erna Merdić Smailhodžić: Iznosi informacije vezane za održavanje sajma ZEPS 2025 u Zenici. Grad Zavidovići će imati štand od 56 m2, pretpostavljeno je da privrednici izlažu svoje proizvode. Poziva članove savjeta da se prijave za izlaganje ili da predlože firme koje bi bile zainteresovane.

Enesa Bukvić: Smatra da izlazak njene firme nije potreban, obzirom na vrstu djelatnosti kojom se bavi. Predlaže da se pozove Obrt HAKER, kojni se bavi proizvodnjom kašika za bagere.

Marcel Slišković: Smatra da je potrebno više industrijske djelatnosti, zbog prirode sajma.

Erna Merdić Smailhodžić: Navodi da su sve firme pozvane da dostave svoje brošure koje će biti izložene na štandu u danima sajma.

U raspravi su učestvovali i Alen Jusupović, Mirela Bašić i Adnan Turić, te su predložili dodatno firme i obrte koji bi se trebali pozvati na izlaganje.

Sjednica završena u 16:40 sati.

Zapisničar

Aida Husić Mujanović

ZAPISNIK OVJERAVA
PREDSJEDNICA PRIVREDNOG SAVJETA

mr. iur. Erna Merdić Smailhodžić